


# 日本漢文學百家集

王焱 編

310



北京燕山出版社



王焱 主編

日本漢文學百家集  
310



北京燕山出版社

第三一〇册

甕穀遺稿 卷五至卷八 岡松甕穀著 明治三十九年  
.....  
一

楚谷遺稿卷五  
草子集



熊本 岡松辰君盈著

男

參太郎

匡四郎

輯

碑

江島君墓誌銘

君諱永孚。江島氏。其先曰鬼藏大夫。自王室盛時。世爲豐之日田郡司。八世祖諱永充。居於江島。始以邑氏。生永武。寬永中。與其族十餘人。從妙解公遷於肥。厥後相繼登顯仕。考諱永榮。爲親衛弓隊長。妣立石氏。君生三十四。試鞠獄官。尋爲真。以疾去職。天保壬

寅。權玉名宰。輔治山本山鹿事。又病免。權監工曹營繕事。出居川尻。兼董水軍諸務。權阿蘇南鄉宰。遷野津原鶴崎。兼監鶴崎工曹。尋又爲真。輔治合志事。又輔菊池事。遂爲菊池合志宰。歷下益城山本山鹿。遷玉名。進爵班鳥銃隊長。當是時。君已歷任諸郡。居次最久。日夕恪勤。益秩五十石。會高瀨令缺。攝高瀨事。又遷飽田。託摩宰。兼高橋令。宇土宰缺。輔治宇土事。又益秩五十石。遂并監諸郡事。兼督檣楮并諸錢穀法。群吏視出納雜務者數十人。從取決焉。又統邦內山林川澤事務。植美材。修坡塘。出爲川尻令。又益秩二百二十石。安政丙辰七月。復召入將有申命。適君疾方革。不能趨朝。明日卒於川尻官舍。實二十三日也。已殮。嗣子永幸奉其柩。歸葬於往生院先塋。君以寬政丙辰生。得年六十有一。爲人敏給。已以吏能進用。營治勤劇。矻矻夜以繼日。記覽舊籍。終身不忘。又

能推誠待物。不以捶撻爲務。初試鞠獄官。有兄弟爭田者。已而季家災。衆趨救之。獨仲不至。於是伯與季皆疑仲火之。夜入其室。摔而擊之。及其孥。吏收至獄。訊之不服。君乃諭以彝倫之道。皆感悟。泣請釋憾與呢。因問以毆擊狀。盡得其實。獄立成。又嘗鞠賊吏。處死將誅。爲和歌自傷。而意甚服君。善於聽獄也。及爲郡宰。所至除害興利。勸勉貧民。使有所樹立。其在鶴崎。屬歲歉。隣邑餓殍相望於塗。君使其民。有無相濟。又取於官以賑。民得免於死。旣復爲之法。貸於官者。使稍稍償之。民所出。量其多寡。褒賞。於是官無冗費。而民不病。君曰。此何足言哉。益覃思荒政。及遷飽田。託摩宰。使計每縣所有備荒錢財。無慮一萬三百六十緡。以較邦內民數。不能食一日。君曰。此吾儕之任也。廼具疏請。使民每實徹百石。更輸二石。四歲得穀二萬二千二百六十餘石。折錢二十五萬五千六百

二十緡。官又賜七千緡。并前爲二十六萬二千六百二十緡。又益以每縣辟荒租入。及他羨餘。每三四歲。概得三萬六千四百緡。君又欲除兼并之弊。配錢諸縣。有民質田。貫貸者。爲贖之。使歲納微息。息與本平。則還田於民。錢已逐年益滋。而無耗。遂立賑濟法。以歲豐荒分三等。隨爲贏縮。自是民無復喪田。而錢之積於吏者。五歲卽至三十五萬三千三百緡有奇。足以濟中荒。又經數歲。雖時有費出。猶得六七十萬。可以傳永世。使民無凍餒之憂也。君最長於治水。度地崇庳。鑿而疏之。防而坻之。堰而殺其勢。以時其蓄洩。務順水之性。使無激而決壞。是以每有興作。民莫不賴焉。肥西南際海六七百里。地多廣斥。官議築圍田。廣有至三四十里者。君亦就玉名海上興役。得腴田數百頃。或勸益爲之。君曰。若狹鄉多游民。此舉亦未爲無益也。然糜財數萬。已散所儲錢穀。又至稱貸以

繼之。一旦天降饑饉。民皆艱食。不知何以贍之。禍民以希功利。吾不忍爲也。君又以鄉兵多不習於武。請爲之程式。以定黜陟。新選二百餘人入伍。由是人人自奮。材藝足用者。往往而出。無幾有海寇之警。幕府命置戍於相模海上。以備不虞。因遣鄉兵往。跋涉數千里。皆莫不爭先趨役。川尻距熊本二十里而近。控御船甲佐加勢三大河。當海道之衝。貿易雲集。富甲於諸邑。旣而俗大弊。商旅不行。民多墮其業。於是特命君督之。君初至。問民所疾苦。皆曰。河水淤塞。失舟楫之利。海商亦不至。無以爲賈。是命耳。君曰。不然。民生在勤。今汝偷安。要巧詐以爲奸利。有轉貨至者。每抑勒減其價。是以皆沮而不臻。何罪。河流爲。遂置吏數員。班宣條教。嚴禁賭博。令寅而興操作。盡亥而寢。鼓爲之號。又遣吏巡視。有稍怠者。牒於門上耻之。使月盡輒輯錄以報。先是西州地大震。所在廬舍傾塌。

而川尻民貧。不復能葺治。踰年猶有露處者。君請得錢四千七百緡。頒之民。鳩工疾作。已成。民始得安其居。又請得穀七百石。以爲水旱備。於是民知君之愛已也。俛焉無敢違令。居數月。海舶亦稍聚。庶幾復其舊。君益拊而勉之。更欲有所施設。未及而卒。蓋自初蒞任。方六閱月矣。衆皆惜之。君少從事經藝。最喜朱子大學說。弟質爲國學助教。素以精博稱。然每與君上下議論。亦無能尙也。其邃如此。然常自韜晦。不欲以經生顯。人少有知者。平居與家人婦子語。怡怡如。未嘗疾言遽色。在宗戚間。和而嚴。是以欲有謀者。必就焉而問之。初其族至自豐。命賜阿蘇田。使躬親墾辟。聚族而居。後稍徙於熊本。屬十二隊。而其仍在阿蘇者。轄以一宗家。曰財津永郁。適祇役江都。官以君素獲於其宗也。命以郡宰受其缺。至永郁還而後罷。家舊襲秩百八十石。及爲川尻令。益至五百石。其他

以功勞賞賜金帛衣物。前後甚多。娶井關氏。生一男一女。皆夭。再娶山內氏。生一男。卽永孚也。三女。長適魚住景盛。次適平野時憲。季適佐田某。又養母舅。立石貞吉女。嫁之小野宗清。君卒之明年。辰還自江都。永幸謂辰曰。子請爲我銘先君子。辰曰。吁。此非辰所能也。雖然。辰世籍高田。實屬鶴崎管内。方君蒞職。先人嘗以吏事朝夕於君。辰亦屢得侍燕語。未爲非知君者也。今吾子有命。辰其可以已乎。遂次其世系所由出。及生卒年月。與夫平生爲政有庸於民者。以誌於其墓。併繫以銘。曰。

有臯者丘子所止。生勤于國。死永已。惟茲嘉績。傳萬祀。銘以貞之。視其履。

野村君墓碑銘

野村君諱武輝。旣亡之明年。其師永嶺君直往來。謂余曰。野村氏

之子。窀已久矣。吾與我徒從軍者謀。買石欲以表其壙。其家固辭。吾更作石燈。置之墓左。因以充碑。顧我徒從軍者三十有餘人。吾哀野村氏之子。獨同往而不同還也。不可以無銘。子其爲我銘之。嗚呼。吾素拙於詞。且初不與野村君相識。豈得盡其行事之跡。而爲之銘哉。雖然。吾聞君之歿于陣。實爲慶應二年七月二十七日事。先是長州人犯順。我公奉王命。發兵討之。直往世爲炮術師。屬其徒三十餘人。別爲一隊。以當前列。君與焉。六月十五日至小倉。二十一日次於富野村。真炮墩彈正山。當是之時。長州人已渡海。盤據于門司大里。小倉兵日出與戰。不利。七月二十七日天明。聞大里海上發巨熾。我軍皆戒。已而小倉兵先進者敗走。長州人數道追之。一至延命寺下。一出彈正山東。我軍守延命寺者。設熾高處叢擊。長州人不能進。轉與彈正山兵合。直往勵其徒連發熾。瘞

數十人。長州人別追小倉兵。循他山而進者。遇我軍亦敗。遂皆萃于彈正山。直往令其徒置煩。更用小銃。長州人皆蒲伏。驕于樹木間。且進且發銃。其尤在前者。距我軍可六七步。君取銃露頭山脊。將發。會長州人先發。鉛丸洞額而顛。君已取終。少焉。長州人皆遁。軍遂散。蓋是日之戰。自辰至申。殺長州人且百人。傷者不可勝數。而我軍授命者。併卒爲七人。君居其一焉。凡戰歿者。官爲具柩盛尸。傳致於家。公又命賻之。且令僧設道場以薦福。公蒞焉。嗚呼。臣子之義。以死勤事。固其所也。而公特寵之。不獨賻贈之加厚。又至屈尊以禮之。恩意之隆。寧有過于此者乎。吾又念。自元和偃武。民不見兵革之災。且三百年矣。屬者四方不靖。動有奸兇竊發。而以我公德澤之至渥也。我群臣未有橫羅鋒鏑。君則首膺師命。敵乎王愼。以身殉之。致爲臣之節。吾雖初不識君。豈得不亟稱述而傳

之後世哉。君之始祖曰源之丞。事松向公於田邊。其弟清藏從伐朝鮮。死於釜山。源生孫兵衛亦事松向公。至妙解公從徙于肥。賜秩百石。長子少兵衛。及父猶在。從討島原之賊。以功別賜秩百石。既復喪之。孫以第二子傳左衛門嗣。六世至諱武彥。實君祖也。爲泰樹世子傳。彌以義方。甚有聲譽。積勞益秩五十石。考武一亦傳今世子。妣安井氏。武一已得君之訃。語人曰。吾家子弟。嘗致身於行間。方我兒從軍。吾固知其不復還也。直往又爲予言。君性和易。與物無忤。言笑怡怡如也。素善於武藝。體不甚偉。而勁悍無比。暇日出野弋獵。風雨不避。其趨小倉。跋涉三百里。齋大小煩數十門。他器械稱之。屬天熱。役徒皆病。君日夜督視。略無懈容。已至小倉。與其儕更守彈正山。君每夜露臥於炮墩下。未嘗入次而寢。蓋豫決死也。君以虎太郎行。歿時年三十。葬于妙專寺先塋。娶入江氏。

生一女。不育。已寡。親戚皆勸之更嫁。不聽。固請留事舅姑。蓋重君之義。不忍背於存歿之際也。銘曰。

死人終。古所重。能死綏。不傷勇。允若人。死且寵。

濱治君墓碣銘

慶應三年九月壬子朔。越四日乙卯。司會濱治君過銓曹掾岡松某。授以狀。曰。我兒戰死於小倉。子亦聞之。蓋同死者七人。皆賜棺斂。傳致於家。我兒亦因得以葬于先人墓側。今且買石以表其壙。請子爲銘之。以垂於無窮。且曰。我父祖仕不甚顯。吾少竭力於賤役。得稍遷從衆官之後。而我兒亦以士列承乏戎行。幸無恇怯。顧後以爲國家之耻。得例忝膺贈。且賜祭奠。公又屈尊蒞而禮之。吾日夜感念明恩。不知所報塞。今請子銘。亦欲以是意訓乎後世子孫也。某曰。君之言及於此。其施也遠矣。且是役也。與令子同致死

禮者。非野村氏之子乎。某既銘之。今君亦命銘令子。某雖不敏。敢不謹受命。按狀。君諱典久。以七郎平行。方我軍與長州人相拒於小倉。更發一軍。以爲後勁。令鹽山林登屬其弟子。別爲大煩隊。以君督之。軍于沙原村。及長州人數道來攻。進保于富尾村。長州人皆敗退。更合兵薄于彈正山。永嶺直往守之。發煩益急。林登遣君及他弟子十七人援之。君先進發銃。殪數人。會飛丸中君銃牀。自右繞銃身至左。微露一頭。而其碎片。一著額。一著鼻隴稍低處。遂以是告終。實二年七月二十七日癸未也。野村氏之子武輝亦致命於彈正山。與君前後較數刻耳。君爲人傀偉。長且八尺。膂力兼人。博資武藝。尤善於搏。將戰。謂其人曰。吾得近敵。棄銃與搏。雖死猶能投殺三數人。果然若等速收銃退守。勿復從我爲也。其勇決蓋此類。八月二日君喪至自小倉。四日葬于城東極樂寺先塋。祖